

喉症全科
(1)



咸豐辛酉年鐫

喉科紫珍全集

雲文會堂藏版



前序

嘗謂吾人氣機呼吸在喉瞬息存亡之介亦在於喉喉之
係於人蓋甚重矣胡可令受病哉顧病之由起於不遵衛
生者也或因熱毒蘊積胸膈口腹多嗜煎炒或膏粱厚味
飲酒過度不辭勞苦貪啖炙煇熱毒之物受鬱結之氣感
冒風雨濕熱內積痰火上蒸辛苦越格種種根源皆病之
所由以侵于喉其症有七十二種種種不同且如喉痺之
害有陰有陽而陰陽之狀不可不察紅腫外見者陽也悞
服辛熱之劑謂之以陽攻陽毒氣愈勝以其為出生入死

之路欲奏速效此必不可得之數也如舌生黃黑飲食阻
碍吞吐不利疼痛難忍不見紅腫陰也驟服寒涼尅伐反
致生痰作燥謂之以陰尅陰其痰愈甚致之於膏盲絕有
明驗百無一二矣此為醫者施治之大畧也且人之關鍵
惟咽喉乃出入之門其帝丁為主庸醫悞犯刀針人之受
死者多矣嘗聞每有吞吐不利等症誤認帝丁以作病根
或以刀針屢傷其命不知其症不識其形而以執刀為戲
若是之愚也喉症殊形異類治法多端當察其表裏虛實
起病日數表者散之裏者利之虛者益之實者瀉之須觀



病人之壯弱氣血盛衰天之四季究其根由對症用藥百
醫百中于斯道也思過半矣懼後學者不得其門而
詳載症之所自起上列一圖下陳一論前列諸方後
思得其旨從而月以繼月日以繼日沉潛反覆按圖審症
揀方求治何患命之登于天歿而醫生不幾于再生哉若
夫不審虛實擅用刀針概用涼劑不惟不效而反害之是
自蠹其生理也擅專門者慎之慎之

治喉十要歌

一針手足兩少陽。鮮血逆流命不傷。若是些須黃白水。預

知旦夕見危亡。

二從耳下頸腮中。謾把麻絲細刮紅。方用眉刀患處割。血

鮮多者不爲凶。

三針舌下兩青筋。血出鮮紅病體輕。黑塊成条終是死。胸

中結熱把痰清。

四般惡症曰懸癰。腫腭纏喉並鎖風。熱積風痰胸膈結。三

黃行下自疎通。



五內虛邪火上行。欲教分散必須針。少商曲池頰車穴。男

左女右辨分明。

六用追風散去痰。痰如清水不多援。連吹本秘寬胸

結涼

隔追風及早啖。

七從頭尾可行針。切忌中間根上行。鮮血多來休慮遠。黑

而少者不長生。

八刀割患要深知。麻藥先從患處吹。撐口中間鈎搭住。連

施刀法莫狐疑。

九行烙鉄要除根。炭火桐油一處焚。只待燒紅須細烙。連



將秘藥上安寧

十全灸法灸風池五壯原來甚得宜。再把頰車加幾壯。
商灸後曲池隨。



北京中医药大学图书馆藏

治喉秘法

夫咽喉之症。用藥須知緩急。行針貴識頭尾。如牙關緊急。通關散可吹。風毒痰壅。追風散當用。三黃涼膈散。有清毒降火之功。二陳荆防湯。有豁痰驅風之力。潰爛必資內托。收成全賴生肌。麻藥用之於未針之前。秘藥用之于既針之後。吹散如十葉碧雪。與本秘均藥同功。煎方如雙和濟。陰。與膈胃涼湯並效。箍藥敷之紅腫散。水藥即闕服後鬱痰行。洗藥可以去舊生新。燻藥可以伐邪存正。清咽丸爲善後之妙法。紫瓊膏有益氣之神功。本秘吹之于痛時。刀

針用之于腫起。雙蛾。單蛾。生在咽門而圓小。無膿則吹本
行針。有膿則挑破自愈。可服涼膈等湯。喉疔。花疔。形似靴
釘而差長。先麻而鉤住刀割。卽烙而吹秘止痛。預嘗肉托
等劑。雙喉癰。單喉癰。平大而圓。耳下腮邊腫起。治同蛾子。
藥亦無殊。而癰憑內托。左雀舌。右雀舌。形小而尖。噤舌癰。
有痰。割類喉疔。方亦不異。但雀舌用三黃。釧舌蓮花。靠牙
邊而起五峯。中不可針。針宜旁穴。纏舌喉風。硬舌根而爛
兩邊。藥不可煖。煖則難痊。死乳蛾核。活乳蛾核。日久長大。
作痛無時。用刀細割一層。擦爛藥于其中。休吞及吐。吹秘

藥一月方可見功用。烙烙之三黃可服。走馬疳。牙疳。喉疳。口瘡。瘡毒。牙齦紫腫。臭穢不堪。必吹本秘生肌。午後年干。漱口。臉腫頭搖。咽乾音啞。身熱唇穿。落齒無血。俱爲不治。土茯苓末。自有奇能。喉單似蛾尖而長。宛若牛乳之狀。氣單似梅核而小。須行四十九針。回食單卽旬氣。生帝丁之旁。紅起當中。卽名梅核。吞之不下。吐之不出。因氣而生。梅核用針。而旬氣用刀刺。三黃十八俱皆用。二陳四七見收功。重舌一名鈿舌。可刺金津玉液。丁腫號曰懸丁。點秘服藥清咽。死舌癰名木舌。堅硬不能展側。匝舌癰在兩邊。能

令舌短難說。刮苔吹用追風。瘰癧頭必須刀剔。初用三黃等劑。久將內托投之。白苔紫色猶堪治。黑刺生來魂魄離。紅白能言易治。黑腫短突難醫。兜腮瘰癧生腮下。外用金箍散。內服十八方。膿生火針刺。肉爛秘生肌。膿從口出者易治。膿出腮者難痊。喉舌有心而爛。珍珠滿口流涎。俱用三黃涼膈。間吹本秘宜然。飛瘍立時而起。喉痺傾刻而生。治此必先探吐。本秘刀刺何傷。鎖喉風牙關緊急。手足登開。先針四穴。以辨死生。次浴手足。以開脾胃。或刀或針。血去腫消。爲上策。纏喉風眼白而紫。項腫難言。角弓反張。命在須臾。

史藥難保。探痰刺血。病根除。喉毳相牽。似線可服。益氣疎
瓜。再用麝香調服。兼吹本秘。追風骨槽風。如口噤。治之先
吐風痰。垂下五分炙七。清陽散火療之。舌下有泡。須用刺
青筋。膠涎隨卽出。或如鷄清。加味二陳湯。清熱如聖散。用
之皆效。喉中有息肉。壅塞相層疊。枸橘湯。雄黃末。飲搽最
妙。出汗生癰。腫黑生癰。左右陰瘡。三般無異。金籬散。十八
方。數服相當。氣癰喉痺。酒毒喉痺。二者同途。金鎖匙。三黃
湯。吹飲卽愈。大凡吹藥。先吹本。下了刀針。用秘吹。餘腫不
消。用均末。刀口難完。上生肌。喉中氣穢。和中白。追取風痰。

金鎖匙。水藥時噙口。冰梅頻咽津。抑火三黃涼膈散。消腫
須知十八方。內托千金散。化痰二陳湯。虛火血分從四物。
陽虛氣弱四君當。惡寒當解表。便秘必疎通。斯是喉症要
訣。學者必定精工。

臨症二十法

凡咽喉無病。其色淡紅而白。不高不腫。一有害起。其色必紅。若腫者。或是癰。或是痺。或是蛾。認病不真。只須吹本藥。及十葉散。于紅腫處。下針刀。吹秘藥。碧雪。無有不效。如不腫。直是紅且痛。乃風熱太甚。謂之白鎖喉風。與喉痺。不須下針刀。止吹本秘。十葉碧雪。服後十八味神藥。一帝丁。在人咽喉中。爲之主宰。下刀動針。不宜犯之。若犯刀針。寔難醫治。一腫腭。乃是人之上腭。腫至舌。風熱過盛。治之早者。猶或

可生。治之遲者。湯藥難進。

一懸丁。卽是帝丁。腫起紅而下垂。懸喉中。刀針難施。

一人蘊積熱毒。咽喉中有大小諸瘡者。謂之珍珠毒。

命人

常作口乾。常起稠痰。若是辛苦。亦或作痛。吞吐不利。當吹

本秘。或十葉碧雪。以針密密挑破出血。服學士湯。及解疫。

清金。清咽。雙和等劑。全愈後。加服抑火丸。以杜後患。

一用針之法。先用捺舌。捺倒舌根。方以針靠捺舌。輕輕一

挑卽出。切不可遲慢。恐患者低頭吐痰血。悞事。若遠遠刺



一烙鉄用細絲銀打成茶匙樣。臨用時將艾包烙鉄外。以棉花包住。蘸桐油于棉上。以燈火燒之。待捺舌捺定舌根。纔令人刮去棉油看。速烙患處一下。若手稍緩。烙冷無用。烙後卽吹秘藥。及碧雪解熱毒。痛則再吹。又有烙法。炭火燒紅。却入乾艾。將烙放艾上燒紅。照前捺住。須看真用烙。一淬卽出。不可久熨。恐犯帝丁。

一夜深看病。取紙一條。蘸油點燈。于患者腦後照之。方見喉。又有喉小。或病在喉中。看不真切。忌用刀針。宜用追風本秘十葉碧雪等藥吹之。待天明再看。